



მცხეთა - მთიანეთის
საინფორმაციო
ცენტრი



14.12.2012 16:40

- [მთავარი](#)
- [ახალი ამბები](#)
 - [პოლიტიკა](#)
 - [საზოგადოება](#)
 - [ადამიანის უფლებები](#)
 - [განათლება](#)
 - [ეკოლოგია](#)
 - [კულტურა](#)
 - [ეკონომიკა](#)
 - [ტექნოლოგიები](#)
 - [სპორტი](#)
- [სტატიები](#)
- [მულტიმედია](#)
- [კონფლიქტის ზონა](#)
- [მედია](#)
- [არქივი](#)
- [კონტაქტი](#)

[მთავარი](#) » [სტატიები](#) » ხათუნა გოგალაძე – რა გაახურეს საქმე ამ დარიალიჰესით

ხათუნა გოგალაძე – რა გაახურეს საქმე ამ დარიალიჰესით

2012.12.14 | 15:06 სარედაქციო
სტატია

Like

6 people like this. Be the first of your friends.

0

Tweet 0

Share



მცხეთა – მთიანეთის საინფორმაციო ცენტრმა ყაზბეგში, მდინარე თერგზე დარიალიჰესის მშენებლობასთან და ამ პროექტის მიმართ ასოციაცია „მწვანე ალტერნატივას“ კრიტიკულ შენიშვნებთან დაკავშირებით არაერთი სტატია მოამზადა.

[„დარიალი ჰესი“ კანონის დარღვევით შენდება](#)

[თერგი რკინის და ბეტონის კუბოში](#)

[ყაზბეგის ეროვნულ პარკს 9 ჰექტარს აჭრიან](#)

[უცნობი განკარგულება „დარიალიჰესის“ საქმეში](#)

[დარიალიჰესის საქმის განხილვა ისევ გადაიდო](#)

[„მწვანე ალტერნატივამ“ პროკურატურას მიმართა](#)

მოკლედ რომ შეგახსენოთ, დარიალის ხეობაში, მდინარე თერგზე, 110 მეგავატი დადგმული სიმძლავრის დარიალის ჰიდროელექტროსადგურის მშენებლობა 2011 წლის სექტემბერში დაიწყო. პროექტი ითვალისწინებს დაახლოებით 8 კმ სიგრძის მონაკვეთზე მდინარის წყლის უდიდესი ნაკადის - 90%-ის მოქცევას ჯერ სადერივაციო მილსადენში და შემდგომ

სადერივაციო გვირაბში. აღსანიშნავია, რომ პროექტის განხორციელების ხელშეწყობის მიზეზით, ყაზბეგის ეროვნული პარკის ნაწილს დაცული ტერიტორიის სტატუსი მოეხსნა.

გარემოსდამცველების შეფასებით, პროექტის განხორციელების შედეგად, სულ 11 კმ სიგრძის დარიალის ხეობის 8 კმ-იან მონაკვეთზე რადიკალურად შეიცვლება ლანდშაფტი და ხეობა დაკარგავს ისტორიულად ჩამოყალიბებულ კულტურულ-ეთნოგრაფიულ და ტურისტულ ფასეულობას. პროექტს ექნება შეუქცევადი ზეგავლენა მდინარეზე დამოკიდებულ სახეობებზე, მათ შორის, წითელ ნუსხაში შეტანილ ნაკადულის კალმახზე და გამოიწვევს თერგში ამ პოპულაციის გაქრობას.

გარემოსდაცვით ორგანიზაცია „მწვანე ალტერნატივას“ მიაჩნია, რომ ამ გარემოებების გათვალისწინებით, გარემოს დაცვის სამინისტროს დარიალიჰესის მშენებლობაზე დადებითი ეკოლოგიური ექსპერტიზის დასკვნა არ უნდა გაეცა. „მწვანე ალტერნატივამ“ თბილისის საქალაქო სასამართლოს მიმართა და ამ დასკვნის გაუქმება მოითხოვა. გარემოს დაცვის სამინისტრომ (მინისტრი გოგა ხაჩიძე) სარჩელი არ სცნო. პირველი ინსტანციის სასამართლომ სარჩელი არ დააკმაყოფილა. ამის შემდეგ „მწვანე ალტერნატივამ“ თბილისის სააპელაციო სასამართლოს მიმართა. პროცესი რამდენჯერმე გადაიდო. საქმეზე გადაწყვეტილება 19 დეკემბერს გამოცხადდება.

წინასაარჩევნოდ, კოალიცია „ქართული ოცნების“ ლიდერები აცხადებდნენ, რომ არჩევნებში გამარჯვების შემთხვევაში საქართველოში დიდი ჰესების მშენებლობის საკითხი გადაიხედებოდა. არჩევნებში გამარჯვების შემდეგ „ქართული ოცნებიდან“ ყაზბეგის მაჟორიტარმა დეპუტატმა მირიან წიკლაურმა პირობაც დადო, რომ [დარიალიჰესის საკითხის გარკვევას აუცილებლად მოითხოვდა](#). მოგვიანებით, დეპუტატმა მირიან წიკლაურმა მცხეთა – მთიანეთის საინფორმაციო ცენტრს განუცხადა, რომ სანამ სამინისტროს ახალი ხელმძღვანელობა საკითხს არ გაარკვევს, ჰესზე სათავე ნაგებობის მშენებლობა არ დაიწყება.

მცხეთა – მთიანეთის საინფორმაციო ცენტრმა დარიალიჰესის მშენებლობასთან დაკავშირებით, გარემოს დაცვის ახალი მინისტრის ხათუნა გოგალაძის შეფასება გუმინ მოისმინა.

„ამ საქმეზე სასამართლო პროცესი მიმდინარეობს და მის დასრულებას ველოდები. იქ რაღაც საკითხებია, რომლებიც ჩემს კომპეტენციას და გამოცდილებას სცილდება, რომ რაღაც ან ასე ვთქვა, ან ისე. ნებისმიერი სახის მშენებლობა ახდენს რაღაც გავლენას გარემოზე. არსებობს მოსაზრება, რომ ყველაფერი წესის მიხედვით გაკეთდა, როგორც უნდა გაკეთებულიყო. მე ეჭვის შეტანის საფუძველი არცერთ მხარეს არ მაქვს. ჩვენი მიზანია, რაც შეიძლება ნაკლები ზიანი მიადგეს გარემოს და თუ ეს ზიანი გარდაუვალია, მაქსიმალურად მინიმალური იყოს,“

– განაცხადა მინისტრმა.

რაც შეეხება საქართველოს ყოფილი მთავრობის განკარგულებას, რომელიც ძალაშია და რომლის მიხედვითაც, ყაზბეგის დაცული ტერიტორიების ნაწილი „დარიალი ჰესის“ მშენებლობისთვის კომპანია „დარიალ ენერჯის“ უნდა გადაეცეს, გარემოს დაცვის მოქმედი მინისტრი აცხადებს, რომ მას მთავრობის განკარგულების გაუქმების უფლება არ აქვს. „ეს არის მთავრობის განკარგულება, განკარგულების გაუქმება არცერთ მინისტრს არ შეუძლია. შესაბამისად, გადაეცემა თუ არა დაცული ტერიტორიების ნაწილი მშენებლობისთვის, არვიცი. ჯობია სასამართლოს გადაწყვეტილებას დაველოდოთ,“ – აღნიშნა ხათუნა გოგალაძემ.

მცხეთა – მთიანეთის საინფორმაციო ცენტრისთვის ცნობილია, რომ მთავრობის განკარგულებას მინისტრი ვერ გააუქმებს, თუმცა მინისტრს უფლება აქვს, მთავრობას განკარგულების ბათილად ცნობის დასაბუთებული მოთხოვნით მიმართოს, რაც ქალბატონ გოგალაძეს არ გაუკეთებია. მინისტრის მხრიდან სასამართლოზე აპელირება, მინიმუმ „გარემოსდამცველის“ მხრიდან უპასუხისმგებლობაა იმ პირობებში, როცა მოქმედი მთავრობა ყოველდღე აცხადებს, რომ სასამართლო არ არის დამოუკიდებელი, რომ მართლმსაჯულება ყოფილი ხელისუფლების გავლენის ქვეშ არის, გიგანტური ჰესების მშენებლობა კი ყოფილი ხელისუფლების პროექტი და ინტერესის საგანია. ვიდეომასალიდან ჩანს, რომ მინისტრი კითხვებზე პასუხის გაცემის დროს არასერიოზულად იქცევა და ცდილობს ინტერვიუს თავი აარიდოს.

საუბრის დასრულების შემდეგ, ჩვენმა კორესპონდენტებმა მოისმინეს რა უთხრა გარემოს დაცვის მინისტრმა თავის პრესმდივანს: „რა გაახურეს საქმე ამ დარიალიჰესით“...

მცხეთა – მთიანეთის საინფორმაციო ცენტრს არ აქვს ამ განცხადების დამადასტურებელი ჩანაწერი. ჩვენი კორესპონდენტების გარდა მინისტრის ეს განცხადება სხვა ჟურნალისტებმაც მოისმინეს. სწორედ ამის გამო გადავწყვიტეთ დარიალიჰესის მშენებლობის შესახებ მინისტრის უპასუხისმგებლო დამოკიდებულების ამსახველი განცხადების გამოქვეყნება.

Like 6 people like this. Be the first of your friends.

0
Tweet 0
Share